

## RECEPSIE



Op **zunjig 19 jannewari** haoje Prins Len I en zien Prinses Linn receptsie. Idderein is van herte welkom om ut prinselikke paar te kome felicitere vanaaf 14.11 oor. Aansloetendj geit ut fieëste in zaal 'Ons dorpschuis' gewuën door. Gae zeetj dur toch zeker auch!?

## HALERSE BÓNTJE...



...Aovendj. Op **zaoterdig 22 fibberwari** vindj weer de Halerse Bontje Aovendj plaats. Waem der dit jaor oppe planke zulle staon, is nog neet hieëlemaal bekindj, mer det ut weer eine sjoene en gezellige aovendj geit waere, steit al vast. Komtj dus auch en mis ut neet.

## JEUGDSLEUTEL...



...euvdracht. Op **donderdag 27 fibberwari** zal de Burgemeister van Leudal de macht euvdrage aan alle Jeugdprinsse en -prinsesse van Leudal. De Jeugdraod verzameltj om 17.30 oor bie Café Bie Winy en geit den met

de bus nao Roggel. Dit spektakel zal doore toet 22 oor en den koome wae met de bus weer terug nao Haaler.



## SLEUTEL...



...euvdracht veur de grooate minse is op **vriedig 28 fibberwari**, auch in Roggel. De Raod van Elf verzameltj om 18.30 oor bie Café Bie Winy. Idderein dae noe wiltj mit make wie eine voltalige Raod van Elf oet Haler zich inne kieker zetj en van dit sjoene Vastelovesspektakel niks wiltj misse is auch van herte welkom om mit te gaon.

## SPAARKAS...

...lichte. Op **zaoterdig 1 mieërt** waerdj vanaaf 20.30 oor de spaarkas gelichtj. Det wil zegge; as der nog get in zitj want in dees tieje van economische recessie witse ut mer noets. Alle lede vanne Spaarkas 't Dorpskluëske kinne den, al den neet verkleidj as boef, crimineel of bankier, hun geldj kome aafhoole.

## MÖPKE...

### Tattoewaazje

Ein maedje was toet euver heur oearre verleeftj op eine jong. Op ein gegave moment haaj ze ut gezicht van dae jong op heur linker borst laote tattoewere. Mer ja, wie ut oet ging, stong dae tattoewaazje der nog steeds op.

Ein tiedje later waerdje det maedje weer verleeftj. Ze haaj zich bedacht om dae jong toch mer van die tattoewaazje te vertelle. "Laot ins kieke" zag dae jong. Ut maedje leet de tattoewaazje van heur ex-vriendje zeen. Ut nuuje vriendje vond ut eigelik waal erg sjoean gedaon. "Ich haoj waal van tattoewaazjes" zag hae. "Ich zoj ut waal sjoean vinje as det mien gezicht op diene angere borst zoj waere getattoewerdj."

"Minse det?" reageerdje ut maedje vol ongeluif.

"Jaowaal" zag dae jong. De volgendje daag huppeldje ut maedje nao de tattoe-sjop en leet ut gezicht van heur nuuj vriendje op heure rechter borst tattoewere.

Ze woore nog ein paar maondje gelukkig same toet auch dees relatie oppe klippe leep.

Dao zoot ut maedje met de gebakke (of leever: getattoewerdje) paere. Gooj raad was deur, en veul geldj haaj ze neet mieër. Ze noom zich veur om noets mieër verleeft te waere.

Mer ut blood kruuptj woea ut neet kan gaon en nao ein half jaor trof ut maedje eine jong; zoea leef, zoea vol begrip, zoea knap. Ut was gewuen heure prins op ut witte paerd en ze waerdje toet euver heur oearre verleeftj. Ze vonj ut toch mer baeter om dae nuuje vlam alles van die tattoewaazjes te vertelle, veurdet hae dao zellef achter zoj kome.

Op eine gesjikt moment zaet det maedje taeghe heure vrindj: "Loester, ich mot dich get zegge. Ich hub de gezichte van mien twieë ex-vriendjes laote tattoewere op allebei mien borste. Ich haop desse det neet erg vinsj."

"Laot den ins kieke" zaet dae jong. Ut maedje luetj de tattoewaazjes zeen.

"Ich vinj ut neet lieëlik. Eigelik vinj ich ut waal kei-sjoean gedaon" zag dae jong.

Ut maedje keek um vol ongeluif aan. "Vinsse det neet erg verva-elendj det dao twieë van mien ex-vriendjes getattoewerdj zeen?"

"Mer nae", zaet dae jong. "Ich dink mer zoea; as wae die anger daag 25 jaor getrouwdj zeen, den zeen der mer twieë die met ein lank gezicht staon te kieke..."

